



AALAJANGINEQ

21. februar 2018
Sagsnr. 2017-26980
Dok. Nr. xxxxxx

Postboks 909
3900 Nuuk
Tlf. (+299) 34 50 00
E-mail: box909@nanoq.gl
www.neqeroorut.gl

Nuummi inissiat attartortittakkat pillugit illuutitut sullissinermut suliariumannittussarsiuussineq

Neqeroortitsinissamut allakkiami ulloq 11. oktober 2017-imeersumi Illuut A/S-ip (matuma kingorna Naammagittaalliutigineqartoq) tamanut ammasumik suliariumannittussarsiuullugu saqqummiuppaa: "Nuummi inissiani attartortittakkani illuutini sullissineq".

Tunniussinissamut tunngavissarititaasoq tassaavoq "akigititaq appasinnerpaaq".

Suliffeqarfiit makkua suliassamut neqerooruteqarput:

1. *Entreprenøri A*
2. *Entreprenøri B*
3. *Entreprenøri C*
4. *Entreprenøri D*

Ulloq 1. november 2017 suliariumannittussarsiuussineq ingerlanneqarpoq.

3. november 2017-imeersumi mail-ikkut *Entreprenøri B*-ip (matuma kingorna Naammagittaalliortoq) neqeroorutertik appasinnerpajunngitsoq paasitinnerqarput, aammalu nalunaarutigineqarluni Naammagittaalliutigineqartoq neqerooruteqartumut appasinnerpaamik neqerooruteqarsimasumut isumaqatigiissuteqarsimasoq.

Ulloq 28. november 2017 Naammagittaalliortoq Neqerooruteqartitsisarnerit pillugit maalaaruteqartarfimmut naammagittaalliummik tunniussivoq. Naammagittaalliutaasoq ulloq 14. februar 2018 maalaaruteqartarfimmi ataatsimiinnermi oqaasiinnartigut suliarineqarsimavoq.

Naammagittaalliortoq makkuninnga piunasaqaateqarluni oqaaseqarpoq:

1. Maalaaruteqartarfiup oqaatigissagaa, Naammagittaalliutigineqartoq *Entreprenøri D*-mut, itigartinneqarsimanera apeqqutaatinnagu, isumaqatigiissuteqarniarluni aalajangersimasoq, taamaasillunilu sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq unioqqutillugu iliuseqarsimasoq.

2. Maalaaruteqartarfiup oqaatigissagaa, Naammagittaalliutigineqartup neqeroorut e-mail-ikkut paasiuminaallisakkamik isissutissartalernagu nassiunneqarsimasoq aammalu suliariumannittussarsiuussinissaq sioqqullugu ammarneqarsimasoq itigartinnagu, sanaartornermi neqerooruteqartitsisarneq pillugu Inatsisartut inatsisaat nr. 11, 2. december 2009-meersoq aamma naligiimmik pinninnissamut tunngaviusoq unioqqutillugu iliuseqarsimasoq.
3. Naammagittaalliortup neqeroorutaa 1. november 2017-meersoq naapertorlugu Naammagittaalliortoq isumaqatigiissuteqarfiginissaanik, Maalaaruteqartarfiup Naammagittaalliutigineqartoq pisussaaffilissagaa.
4. Naammagittaalliortup Neqerooruteqartitsisarnerit pillugit maalaaruteqartarfimmuut suliamik suliakkiussineranut taassumalu ingerlanneqarneranut aningaasartuutit akilernissaannik Naammagittaalliutigineqartoq Maalaaruteqartarfiup pisussaaffilissagaa.
5. Naammagittaalliutigineqartup allatut oqaaseqarneranut pinngitsuutinneqarnissaq.

Naammagittaalliutigineqartoq pinngitsuutinneqarnissamut oqaatigineqartoq atorunnaarsippaa, tamatumunnga taarsiullugu Naammagittaalliutigineqartup neqeroortitsinerup taamaatinnaasanut pisinnaatitaanerata akuersaarnissaanut Naammagittaalliortoq pisussaaffilerneqassasoq aammalu suli tamatumunnga taarsiullugu Naammagittaalliutigineqartup Naammagittaalliortup neqeroorutaa aammalu neqeroortitsineri najoqqutassani piumasaqaatit aallaavigalugit Naammagittaalliortup isumaqatigiissuteqarfiginissaa akuersaassagaa unnerlugu.

Suliami pisut

Naammagittaalliutigineqartup neqeroortitsinissamut allakkiaani 11. oktober 2017-imeersumi (ilanngussaq 1) ilaatigut qulequttap "Suliariumannittussarsiuussinermut neqeroorummik tunniussineq" ataani allassimavoq:

"...

Neqeroorut Illuut A/S-mut ingerlatinneqassaaq aammalu allakkap puuani matoqqasumi naqinnera ataaseq tunniunneqassalluni. Allakkap puuata qaavani neqerooruteqartup aqqa allanneqassaaq aammalu imatut allannilerneqassalluni: "Illuutitut sullissineq pillugu suliariumannittussarsiuussineq – Illuut".

Neqeroorut aammattaaq elektroniskinnorlugu nassiunneqarsinnaavoq uunga e-mail@illuut.gl

Suliariumannittussarsiuussineq 1. november 2017 nal. 14:00 Illuut-ip allaffiani ingerlanneqassaaq, Aqqusinersuaq 39/4, 3900 Nuuk. Neqerooruteqartut najuunnissamik ilanngullugulu neqeroorutit aningaasartaannik immaqalu tunuarsimaarfiusinnaasunik paasitinneqarnissamik periarfissaqarput.

Neqeroorut suliariumannittussarsiuussinissap aallartinnissaata tungaanut tunniunneqarsinnaavoq. Elektroniskinngorlugit neqeroorutit kingusinnerpaamik ulloq 1. november 2017 nal. 13:00 Illuut A/S-imi tiguneqareersimassapput.

...”

Naammagittaalliutigineqartup neqeroorutit marluk, mailikkut nassiunneqarsimasut, tiguai. Neqeroorutip aappaa ulloq 31. oktober 2017 tiguneqarpoq. *Entreprenøri D*-imit neqeroorut mailikkut ulloq 1. november 2017 nalunaaqutaq 9:45 tiguneqarpoq.

Suliariumannittussarsiuussinerup imaqarniliorneqarnera ulloq 7. november 2017 neqerooruteqartunut nassiunneqarpoq.

Mailikkut 7. november 2017-imeersukkut Naammagittaalliuteqartup piumasaraa suliariumannittussarsiuussinerup imaqarniliornera nassiunneqartoq iluarsineqassasoq, taamaalilluni imaqarniliami allassimalissasoq elektroniskinngorlugit neqeroorutit marluusut suliariumannittussarsiuussinissaq sioqqullugu ammarneqarsimasut (ilanngussaq 5). Aammattaaq allakkap puuisa *Entreprenøri C*-meersut aammalu naammagittaalliortumeersut ammannginneranni, *Inatsisilertuup NN* neqeroorutit ammarsimasut tigummiarsimangai, imaqarniliornermi ilanngunneqassasoq naammagittaalliortup kissaatigaa.

Suliariumannittussarsiuussinerup imaqarniliornerani 7. november 2017-imeersumi (ilanngussaq 6) tamatuma kingorna immikkoortoq manna ilanngunneqarpoq:

”...

Takkuttut neqeroorutitik allakkap puuaniitillugit tunniuppaat. *NN* tamatuma kingorna nassuiaavoq, neqeroorutit elektroniskinngorlugit tiguneqartut marluusut, ataaseq *Entreprenøri A*-mit aammalu ataaseq *Entreprenøri D*-imit. Neqeroorutit elektroniskinngorlugit tiguneqartut taakkua pappialanngortinneqassasut *NN*-p suliariumannittussarsiuussilluni ataatsimiinnissaq sioqqutitsiarlugu piumasarimagai aammalu *NN*-p taakkua suliariumannittussarsiuussilluni ataatsimiiffimmut inimut nassarlugit iserluni.

...”

Illuatungeriit tunngavilersuutaat Naammagittaalliortoq

Oqaatigineqartunut siullernut marlunnut taakkununnga tapersiilluni Naammagittaalliortup oqaatigaa, elektroniskinngorlugit neqeroorutit suliariumannittussarsiuussinissaq sioqqullugu ammarneqarsimanerat neqerooruteqartitsisarnermut inatsimmi § 10-imik unioqqutitsinerusoq.

§ 14-ilu naapertorlugu aalajangersakkamut nassuiaatini ilaatigut allassimavoq: "Suliariumannittussarsiuussinerni atortut elektroniskiusut atorlugit neqeroorutit, neqeroorutinik ammaanissamut piffissaliussap nalliunnissaata tungaanut "matoqqatinneqartarnissaat" piumasarineqarpoq. Elektroniskinngorlugit neqeroorutit suliariumannittussarsiuussineq sioqqullugu neqeroortitsisumit ilisimalerneqassanngillat. Diskettenik assigisaanilluunniit atuisoqartillugu, piumasaqaat naammassineqarsinnaavoq allakkap puusnaanut matoqqasumut ikillugit nassiuusinikkut. Taamaattorli neqeroorut elektroniskiusumik nassiuunneqartillugu, paasiuminaallisakkamik isissutissaliineq atorneqarsinnaavoq imaluunniit tassunga assingusumik allagaatinut nakkutilliinerit atorlugit piffissap suliariumannittussarsiuussinerup tungaanut ammaneqarsinnaanngitsunik."

Elektroniskinngorlugit neqeroorutit matoqqatinneqassasut aammalu suliariumannittussarsiuussineq sioqqullugu neqeroortitsisumit ilisimalerneqassanngitsut pillugu piumasaqaat, inatsisilerinermi allaaserisani taperserneqarpoq, tassani allaaserinnittut akuerisaasut arlallit taamatut isummersorneq saqqummiusmallugu.

Aammattaaq naammagittaalliortup oqaatigaa, sunaluunniit neqeroorut § 10-mik unioqqutitsisup, piumasaqaatini minnerpaaffiliussat naammassineqarsimannginnerannik naqissuserneqassasut, atuutsinneqassasorlu.

Elektroniskinngorlugu neqeroorutit suliariumannittussarsiuussilluni ataatsimiinnissaq nalunaaquttap akunnerinik arlalinnik sioqqullugu mailikkut nassiuunneqarsimasut, aammalu taakkua paasiuminaallisakkamik isissutissartaqanngitsut, assortorneqarsinnaanngilaq. paasiuminaallisakkamik isissutissartaqannginnerata malitsigisaanik, neqeroortitsisarnermut inatsit naapertorlugu piumasaqaatinik naammassinnissimanngereernerat pissutigalugu, neqeroorutit piumasaqaatit minnerpaaffissaannik naammassinnissimanngitsutut itigartinneqarsimasariaqaraluarput.

Aammattaaq piffissami aalajangersagaasumi suliariumannittussarsiuussiviusumi neqeroorutit ammaneqarnissaat pillugu neqeroortitsisarnermut inatsimmi § 14 naammassineqarsimanngilaq, tassami taakkua piffissaq suliariumannittussarsiuussiviusoq sioqqullugu naammagittaalliutigineqartumit ilisimaneqaleersimammata.

Tamatuma saniatigut naammagittaalliortup oqaatigaa, Naammagittaalliutigineqartumut, neqeroorutaasa piumasaqaatit minnerpaaffissaannik naammassinnissimannginnera pissutaalluni akuerineqarnissamut piumasaqaatinik naammassinnissimanngitsumut, isumaqatigiissuteqarnermini Naammagittaalliutigineqartoq assigiimmik pinninnissamut tunngaviusumik unioqqutitsisoq. Taamaalliluni naammagittaalliortoq neqerooruteqartut allat naligalugit pineqarsimanngilaq, tassami *Entrepreneur D*-mit neqeroorut itigartinneqarsimasussaagaluarpat.

Neqeroortitsinerup ingerlanerani annikitsumik pingaaruteqanngitsumillu kukku-soqarsimasoq assortorneqarpoq. Neqeroortitsinerup ingerlanerani assigiimmik pinninnissaq neqeroortitsisarnermut inatsimmi aamma suliap ingerlanerani tunngaviulluinnarpoq.

Neqeroortitsisarnermut inatsimmi aallaavigineqarpoq, neqeroortitsisoq suliariumannittussarsiuussineq sioqqullugu neqeroorummik takunninnissamut periarfissaqassanngitsoq. Tamanna pillugu nassuiaatit ersarissorujussuupput. Taamaalilluni neqeroortitsisarnermut inatsimmi § 7-mut nassuiaatini allassimavoq: "Assigiimmik pineqarnissamut tunngavissap atuunneratigut neqerooruteqartitsisoq neqeroorutininik, neqerooruteqartitsinerminik piunnaasaqatini immikkoortutininik tunngavissutuninik uniuiffiusuninik tigusiinissamut pisinnaatitaanngilaq, [...]"

Neqeroorutip allakkap puussaani matoqqasumiitillugu tunniunneqarnissaa pillugu piunnaasaqat tunngaviulluinnarpoq, taamaattumillu Naammagittaalliutiginartoq neqeroorutip akuerinissaanut pisinnaatitaanani.

Mailikkut allakkap paasiuminaallisakkamik isissutissartaligaanissaa Kalaallit Nunaanni piunnaasaqatigineqarsinnaanngitsoq, naammagittaalliortup assortorpaa. Programmininik akeqanngitsuninik, soorlu "Pretty Good Privacy" aamma "Signal"-inik, atuilluni mailinik paasiuminaallisaasinnaanissaq ajornanngilaq, taamatuttaaq fil-it ZIP-fil-imiiitilerlugit paarnaarneqarsinnaapput aammalu ZIP-fil isissutissartalerneqarsinnaalluni, taamaalilluni isissutissaq taanna allaqqaartinnaq ammarneqarsinnaassanani. Suliariumannittussarsiuussilluni ataatsimiinnerminik isissutissap paasissutissiissutiginissaa, nalinginnaalluinnartumik periaasiusussavog, taamaalilluni neqeroorut suliariumannittussarsiuussilluni ataatsimiinnerup aallartinginnerani neqerooruteqartup ilisimalersinnaassanagu.

Neqerooruteqartup neqeroorutininik suleriaatsit nalinginnaalluinnartut aammalu atortinneqartartut atuutsinngilai tamatuma malitsigisaaninik neqeroorutit itigartinneqartussaapput.

Oqaaseqaatigineqartumut normu 3-mut tapersiissutit Naammagittaalliortup oqaatigaa, Naammagittaalliortup neqeroorutaa, neqeroorutininik piunnaasaqatit minnerpaaffissaanninik naammassinnissimasunit tunniunneqartunit akikinnerpaajusoq. Neqeroortitsisarnermut allakkiami piunnaasaqatit malillugit Naammagittaalliutiginartoq Naammagittaalliortumut isumaqatigiissuteqarnissamik pisussaaffeqarpoq.

Naammagittaalliortup assortorpaa neqerooruteqartup piaaraluni neqeroorutininik paasiuminaallisakkamik isissutissartalisiimanninnginnerata malitsigisaaninik Naammagittaalliutiginartoq suliariumannittussarsiuussinerup atorunnaarsinnissaanut pisinnaatitaasoq. Assersuutigalugu, neqerooruteqartup neqeroorutininik akimut ersittumi plastikchartek-iminik ammaannartumiitillugu tunniussimasuuppagu, suli-

ariumannittussarsiuussineq tamarmi atorunnaarsinneqarsinnaasimassanngikka-luarpoq. Tassani aamma neqeroorut itigartiinnarneqarsimassagaluarpoq, tassa-mi neqeroorut allakkap puuani matoqqasumiitillugu tunniunneqassasoq tunnga-viusumik piumasaqaat naammassineqarsimanngimmat.

Naammagittaalliutigineqartoq

Naammagittaalliutigineqartup pinngitsuutinneqarnissamik piumasaqarnermut tapersiissutitut oqaatigaa, neqeroorutit elektroniskingorlugit nassiunneqartut paa-siuminaallisakkamik isissutissartaligaanissaat pillugu piumasaqaateqarsinnaa-nani.

Neqeroorutip elektroniskingorlugu nassiunneqartup paasiuminaallisakkamik isissutissartaligaanissaat, neqeroortitsisup neqeroorummik itigartitsinissamik pisussaaffeqarneranik malitseqartussaangilaq. Mailit Kalaallit Nunaanni annertuumik atorneqarput, aammalu nunani allanisulli paasiuminaallisakkanik isissutissartaliisarneq periarfissaqanngilaq. Tamatuma saniatigut ilisimasat mail-ip illiuseqarfingineqarnerani pissarsiarineqartut atonerlunneqarpata, tamanna pinerluttuliornuvoq. Allakkap puussaa matoqqasoq aalartitsineq atorlugu ammarneqarsinnaavoq. Taamaattumik allakkap puui matoqqasut aamma elektroniskingorlugit allakkat immikkoortinnissaat pissusissamisunngilaq.

Neqeroorutit elektroniskingorlugit tiguneqartut suliariumannittussarsiuussineq sioqqullugu ammarneqarsimanerat, inatsisit malillugit maleruagassanik unioqqu-titsineruvoq, tamatumani naammagittaalliutigineqartoq unioqqu-titsisuulluni. Tamanna naammagittaalliutigineqartup kukkussutigimmagu, qanoq pisoqara-luarpalluunniit neqeroorutip piumasaqaatit minnerpaaffissaannik naam-massinninnginneranik, malitseqarsinnaanngilaq.

Neqeroortitsinerup ingerlanerani kukkusoqarsimasinnaanera assortorne-qarsinnaanngilaq, tamannami inerneranut pingaaruteqarpoq. Tunngaviusumik assigiimmik pinninnissamut tunngaviusut unammillernartoqarsinnaanerat aarle-rinaateqarani, piumasarineqartutigut kukkunerit, suliariumannittussarsiuussine-rup ingerlanneqarnerata inernerisalu nalilersorneqarnerannut pingaaruteqartin-neqartariaqanngillat.

Neqerooruteqartut mailimi ammasumi neqeroorumminnik nassiussisut, akigititamik Naammagittaalliutigineqartumit allanut oqaatigineqarsinnaanerat tamatumalu kingunerisaanik ajutooratarsinnaanini ilisimaaralugu nassiuppaat. Naammagittaalliutigineqartup neqerooruteqartunit allanit akikinnerusumik akeqartitsiniarsinnaaneranik tamanna malitseqarsinnaagaluarpoq. Taamaattoq pissusiviusuni tamanna pingaaruteqanngilaq, tamannalu *Entrepenøri D*-p suliakkiissummik pissarsinerani allassimavoq.

Naammagittaalliutigineqartup suliariumannittussarsiuussinerup taamaatinneqarnissaa pillugu periarfissatut allatut oqaatiginninnerminut tapersiissutitut oqaatigaa, neqeroortitsinerup ingerlaneranut atatillugu annikigisassaannngitsunik kukkusooqarsimasooq maalaaruteqartarfik aalajangiippat, Naammagittaalliutigineqartoq suliariumannittussarsiuussinerup taamaatitinnissaanut pisinnaatitaasooq.

Naammagittaalliortup oqaatigisaminut tapersiissutigisai, Naammagittaalliutigineqartup neqeroortitsinerup taamaatitsinissaanut pisinnaatitaaneramik malitseqartariaqarput.

Eqqartuussinerni arlalinni allassimavoq, neqerooruteqartitsisup neqeroortitsinermik atorunnaarsitsisinnaanera annertuumik periarfissaqartoq. Atorunnaarsitsinermut aalajangernermit tunngavilersuutigineqartoq pivusorsiortuuppat. Naammagittaalliutigineqartup neqeroortitsinermik atorunnaarsitsinissaa, suliami matumani pineqartoq tunngavissaqartussaannngitsooq, naammagittaalliortup uppersannngilaa.

Periarfissatut allatut oqaatigineqartumuunerusoq tunngatillugu Naammagittaalliutigineqartoq allappooq, taanna Naammagittaalliortup oqaatigisaasa toqqaannartumik malitsigigaa aammalu immikkut tunngavilersorneqartariaqannngitsooq.

Maalaaruteqartarfiup aalajangiinera

Illuatungeriit suliap pissusiviusuni ingerlanera pillugu isumaqatigiipput. Aaqqiagiinnngissutaasooq, neqeroorut mailikkut elektroniskinnngorlugu tunniunneqarsimatillugu, neqerooruteqartitsisarnermut inatsimmi maleruagassat nassuiarneqarneranniippoq.

Naammagittaalliortup piumasarlugit oqaatigisai normu 1 aamma 2

Neqeroorutit tamarmik suliariumannittussarsiuussilluni ataatsimiinnissaaq tikillugu "matoqqatinneqassasut", suliariumannittussarsiuussinermit tunngaviulluinnartumik piumasaqaataasooq, Maalaaruteqartarfiup Naammagittaalliortoq isumaqatigaa.

Neqeroorutit elektroniskinnngorlugit tiguneqarnissaat neqeroortitsisup akusersaarpagu, elektroniskinnngorlugu neqeroorut qanoq tunniunneqarsinnaanersoq, neqeroortitsisup neqeroortitsinermit allakkiamini paasissutissiissutigissagaa pissusissamisussaaq. Neqeroortitsisup tassunga atatillugu equmaffigissavaa, neqeroorut sunaluunniit elektroniskinnngorlugu tunniunneqartoq, tassaasooq elektroniskinnngorlugu neqeroorut. Neqeroorutit usb stik-imi imaluunniit elektroniskinnngorlugu assigisaaniluunniit tunniunneqartoq, taamaattumik piumasaqaatini neqeroorummik tunniussisup neqeroorutitut elektroniskinut allassimasaanni, pineqartunut ilaasussaapput.

Neqeroortitsisup elektroniskingorlugit neqeroorutit qanoq tunniunneqarsinnaa-nersut erseqqinnerusumik nassuiarsimangippagu, neqeroorutip matoqqatillugu tunniunneqarnissaa, neqeroorummik tunniussisup akisussaaffigaa.

Suliami matumani elektroniskingorlugit neqeroorutit marluk ammasuullu-innartillugit nassiunneqarput, tassani taakkua tiguisup ingerlaannaq atuarsinnaallugit. Neqeroorutit taakkua taamaalilluni matoqqasuutillugit tunniunneqanngillat, taamaattumillu eqqortumik tunniunneqaratik.

Neqeroorutitik ammasunik tunniussineq suliariumannittussarsiuussinermut piusasaqaatinik unioqqutitsinerummat annertoq, Maalaaruteqartarfiup Naammagittaallortup oqaatigisai normu 1 aamma 2 taamatut isikkoqartillugit ilalerpai.

Naammagittaalliutigineqartup tamatumunnga akissutitut oqaatigisai

Piviusorsioortumik tunngavissaqarpat, Naammagittaalliutigineqartoq neqeroortitsinerup taamaatitinnissaanut pisinnaatitaavoq.

Maalaaruteqartarfik naliliivoq, Naammagittaalliutigineqartup suliariumannittussarsiuussinermut neqeroorummik tunniussinissamut suleriaatsimik nassuiaasimanera ersarinngitsoq. Aammattaaq maalaaruteqartarfik isumaqarpoq, suleriaatsip ersarinngitsumik nassuiarneqarnera neqeroorummik tunniussisunut paatsuugalersitsisinnaasoq, tamannalu elektroniskingorlugit neqeroorutit marluk eqqortumik tunniunneqarsimanginnerannut pisooqataasoq.

Neqeroortitsinermut allakkiami allassimavoq, neqeroorut suliariumannittussarsiuussinermut ulloq 1. november 2017 nalunaaqutaq 14:00 aallartinnissaa tikillugu tunniunneqarsinnaasoq. Taamaattoq tamatuma kingorna allassimavoq, elektroniskingorlugit neqeroorutit kingusinnerpaamik ulloq 1. november 2017 nalunaaqutaq 13:00 Naammagittaalliutigineqartumit tiguneqareersimassasut.

Taamaalilluni neqeroorutit tamakkiisumik ilaannaasumilluunniit elektroniskingorlugit tunniunneqartussat, neqeroorutit allat nalunaaquttap akunneranik ataatsimik sioqqullugit tunniunneqartussaasimapput. Neqeroortitsinermut allakkiami imaluunniit suliami najoqqutassani allani allassimangilaq, piviusorsioortumik tunngavissat suut Naammagittaalliutigineqartup elektroniskingorlugu neqeroorummik tunniussinissamut piffissamik immikkut ittumik aalajangersaanissaanut pisinnaatitsinersut.

Aammattaaq Naammagittaalliutigineqartup neqeroorummik tunniussinissamut piusasaqaatinik nassuiaanermini neqeroorutit elektroniskingorlugit tunniunneqartut aammalu neqeroorutit allat, nassuiaanermi arlaleriarluni immikkoortippai.

Tamatuma kingorna maalaaruteqartarfik naliliivoq, assigiimmik pinninnissamut tunngaviusoq unioqqutinneqarsimasoq, tamatuma malitsigisaanik suliarium-

mannittussarsiuussinerup taamaatinneqarnissaanut piviusorsioortumik tunnga-
vissaqarluni. Taamaattumik Maalaaruteqartarfiup naammagittaalliutigineqartup
allatut iliuusissatut oqaatigisaa, taamatut isikkoqartillugu ilalerpaa.

Naammagittaalliortup piumasaralugu oqaatigisaa 3

Naammagittaalliutigineqartoq neqeroortitsinerup taamaatinnissaanut pisinnaati-
taasoq, Naammagittaalliortup akuersinissaanut pisussaaffilerneqassasoq pillugu
piumasarianut, Naammagittaalliutigineqartoq taperserneqarmat, aammalu
maalaaruteqartarfik neqerooruteqartup suliffeqarfimmik erseqqinnerusumik
aalajangerneqartumik isumaqatigiissuteqarnissaanut pisussaaffiliisinnaanngim-
mat, Naammagittaalliortup piumasaqaataa malinneqanngilaq.

Naammagittaalliortup piumasaralugu oqaatigisaa 4

Neqeroortitsisarnermut inatsimmi § 31-imi allassimavoq, naammagittaalliortoq
naammagittaalliummini tamakkiisumik ilaannakuusumilluunniit tapersorne-
qarpat, Maalaaruteqartarfiup neqeroortitsisoq naammagittaalliortup suliami
aningsaasartuutaasa akilernissaannik pisussaaffilersinnaagaa.

Illuatungeriit tamarmik ilaannakuusumik piumasarisaminni tapersorne-
qarmata, maalaaruteqartarfik isumaqarpoq illuatungeriit tamarmik immikkut
namminneq aningsaasartuutitik akilertariaqaraat.

Maalaaruteqartarfik aammattaaq aalajangiivoq, naammagittaalliornermut akiliut
Naammagittaalliortumut utertillugu akilerneqassasoq.

Tamatuma kingorna aalajangerneqarpoq:

Naammagittaalliutigineqartoq *Entrepenøri D*-mut, taassuma neqeroorutaata
itigartinneqarsimasussaagaluarnera apeqqutaatinnagu, isumaqatigiissute-
qarnissaq pillugu aalajangernermini, sanaartornermi neqerooruteqartitsisarneq
pillugu Inatsisartut inatsisaat nr. 11, 2. december 2009-meersoq unioqqutillugu
iliuuseqarsimavoq.

Naammagittaalliutigineqartoq, neqeroorut e-mailikkut paasiuminarsagaanngitsu-
mik isissutissalernagu nassiunneqarsimasoq itigartissimanagu aammalu sulia-
riumannittussarsiuussinissaq sioqqullugu ammarsimallugu sanaartornermi neqe-
rooruteqartitsisarneq pillugu Inatsisartut inatsisaat nr. 11, 2. december 2009-
meersoq aammalu assigiimmik pinninnissamut tunngaviusoq unioqqutillugit
iliuuseqarsimavoq.

Naammagittaalliutigineqartoq neqeroortitsinerup taamaatitsinnissaanut pisinnaa-
titaasoq, akuerinissaanut Naammagittaalliortoq pisussaaffilerneqarpoq.

Naammagittaalliutigineqartoq naammagittaalliortumut suliamut aningaasartuuti-
nut akiliissanngilaq. Naammagittaalliornermut akiliut utertillugu akilerneqassaaq.

Kirsten Thomassen

- - - - -

Atsiornerup eqqortuunera uppersarsarneqarpoq.

Neqerooruteqartitsisarnermut Maalaaruteqartarfik, ulloq 21. februar 2018.

Janus Køster

Neqerooruteqartitsisarnermut Maalaaruteqartarfiup allattaa